

Թէ՛ ի Մսրը , թէ ի ճանապարհս որպէս հայր
կամ եղբայր . քանզի ոնց պարոնն ի ջնուր ,
սպասաւորքն դային եւ տանէին զիս մօտ չա- 125
տըրն . երբեմն եւ կերակուր տային . այլ եւ
պարոնն հինգ-վեց օրն կոչէր զիս եւ հարցա-
նէր թէ ո՞րպէս կեաս . եւ երբեմն ջուր ասէր
տալու . զի նա տասն ուղտ ունէր ջրով՝ տկե-
րով բարձած հինգ-վեց աւուր ճանապարհէ . 130
եւ թէ ոք դայր առնուր ձիս , զինուորքն հա-
սեալ խլէին ի ձեռաց նոցա եւ տային ինձ :

Անտի հինգ օրն հասաք ի ՂԱԶԱՅ , որ եւ
Պօղոս յիշէ ի թուղթն (դատարկ) ¹⁰ որ է գեղե-
ցիկ խասապայ . զոր ինչ կամիս՝ դտանես անդ , 135
եմիչք եւ պտուղք , նուռ , թուղ , սէրկեւիլ ,
խաղող , գէյթուն , այլ եւ ջուր սառիճնին . զոր
սակաւ մի մխիթարեցաք եւ խմեցաք յադ եւ
լի ջուր : Եւ անտի օր ու կէսն եկաք ի ՌԱՄ-
ՂԱՅ սկէլէն . ուստի երկու փոքր մէնդիլ կու 140
մնայ յերուսաղէմ : Եւ Ռամլայ ծովով ալ կ'ել-
նեն ուխտաւորքն . եւ միատեղ ժողովեալ մնան
մինչեւ յերուսաղէմայ առաջնորդէն թարձի-
մանք դան եւ տանին : Եւ կային անդ մեծա-
մեծ եկեղեցիք վիմաշէն , բայց ամայի . էրէց 145
չկայր . սակաւ հոռոմ կայր , եւ հինգ-վեց տուն
հայի :

134 իշէ : — 141 կեւնէն :

¹⁰ Ապահովապէս կ'ուզէր ակնարկել Գործոց Առա-
քելոց , Բ . 26 . « Հրեշտակ Տեառն խօսեցաւ առ Փիլիպ-
պոս եւ ասէ . Արի եւ զնա դու ի կողմն հարաւայ ընդ
ճանապարհս որ իջանէ յերուսաղէմէ ի Գազա , զի այս
է անպատ » :